

# UNIVERZITET U SARAJEVU – ŠUMARSKI FAKULTET

17.07.2024 / 1

- a/a  
- Sekretar  
- web stranica fakulteta

## POSLOVNIK O RADU KOMISIJE ZA IZBOR U AKADEMSKO ZVANJE Asistent za naučnu oblast “Iskorištavanje šuma”

Sarajevo, juli 2024. godine

Na osnovu člana 123. stav (8) Zakona o visokom obrazovanju („Službene novine Kantona Sarajevo" broj 36/22) i člana 256. stav (1) Statuta Univerziteta u Sarajevu, a po osnovu Konkursa za izbor saradnika u zvanju asistent za naučnu oblast “Iskorištavanje šuma” na Univerzitetu u Sarajevu – Šumarski fakultet raspisanog 7. 6. 2024. godine i Odluke Vijeća Fakulteta o imenovanju komisije za pripremanje prijedloga i izvještaja za izbor jednog saradnika u zvanju asistent, puno radno vrijeme br. 01/6-2881/24 od 4. 7. 2024. godine, Komisija na konstituirajućoj sjednici održanoj 17. 7. 2024. godine donosi

## **POSLOVNIK O RADU**

### **KOMISIJE ZA IZBOR U AKADEMSKO ZVANJE Asistent za naučnu oblast “Iskorištavanje šuma”**

#### **I - OPĆE ODREDBE**

##### ***Član 1***

##### ***(Predmet Poslovnika)***

Ovim Poslovníkom se bliže uređuju nadležnosti, način rada i druga pitanja od značaja za rad Komisije za provođenje Konkursa za izbor u akademsko zvanje asistent, I izvršilac s punim radnim vremenom, za naučnu oblast “Iskorištavanje šuma” (u daljem tekstu Komisija).

##### ***Član 2.***

##### ***(Načela)***

Rad Komisije se zasniva na načelima nezavisnosti, nepristrasnosti, javnosti i zakonitosti.

##### ***Član 3.***

##### ***(Rodna ravnopravnost)***

Izrazi koji se koriste u ovom Poslovníku, a imaju rodno značenje, koriste se neutralno i odnose se jednako na muški i ženski rod.

##### ***Član 4.***

##### ***(Propisi)***

Komisija provodi proceduru izbora u akademsko zvanje u skladu sa Zakonom o visokom obrazovanju Kantona Sarajevo (u daljem tekstu: Zakon), Statutom Univerziteta u Sarajevu (u daljem tekstu: Statut), Konkursom za izbor u akademsko zvanje na Univerzitetu u Sarajevu - Šumarskom fakultetu raspisanom 7. 6. 2024. godine (u daljem tekstu: Konkurs) i Odlukom Vijeća Univerziteta u Sarajevu – Šumarskog fakulteta o imenovanju članova Komisije za izbor akademskog osoblja br. 01/6-2881/24 od 4. 7. 2024. godine (u daljem tekstu: Odluka).

## **Član 5**

### **(Sastav Komisije)**

- (1) Komisija se sastoji od tri člana (predsjednik i dva člana).

## **II - NADLEŽNOSTI I NAČIN RADA KOMISIJE**

### **Član 6.**

#### **(Uloga sekretara Fakulteta)**

Sekretar Fakulteta obavezan je, prije dostavljanja pristiglih prijava na konkurs, Komisiji potvrditi u pisanoj formi, blagovremenost pristiglih prijava te naznačiti broj prijavljenih kandidata. Na konstituirajućoj sjednici Komisije sekretar Fakulteta dužan je prisustvovati otvaranju pristiglih prijava i konstatirati njihovu potpunost (urednost) u skladu sa Konkursom, o čemu izdaje i odgovarajuću potvrdu, koja čini sastavni dio izvještaja Komisije.

### **Član 7.**

#### **(Nadležnosti Komisije)**

- (1) Komisija iz člana 1. ovog Poslovnika, obavezna je da po primitku pristiglih prijava i dokumentacije:
  - a) pregleda sve pristigle prijave i dostavljene dokaze,
  - b) utvrdi ispravnost pristiglih prijava i dostavljenih dokaza,
  - c) utvrdi da li univerzitetski stepen kandidata odgovara naučnoj oblasti: "Iskorištavanje šuma", i
  - d) provede bodovanje kandidata čije prijave na konkurs su blagovremene, uredne i odgovarajuće za naučnu oblast: "Iskorištavanje šuma".
- (2) O daljnjem procesu izbora, kandidati se mogu obavijestiti putem web stranice, pismeno, usmeno, elektronski ili putem telefona.
- (3) Komisija iz člana 1. ovog Poslovnika, obavezna je Vijeću Fakulteta dostaviti izvještaj s prijedlogom za izbor u zvanje u roku od 30 dana od dana imenovanja Komisije.

### **Član 8.**

#### **(Bodovanje kandidata)**

- (1) Bodovanje kandidata se provodi u skladu sa smjernicama i kriterijima za način vrednovanja uvjeta za izbore u akademska zvanja (član 227. Statuta).

- (2) Kriteriji za vrednovanje izbora najboljeg kandidata u akademsko zvanje asistent za naučnu oblast: “Iskorištavanje šuma” su:
- a. Prosječna ocjena iz svih predmeta odgovarajućeg univerzitetskog stepena (član 112. Zakona), maksimalno 80 bodova (prosječna ocjena x 8).
  - b. Prosječna ocjena iz predmeta koji pripadaju naučnoj oblasti “Iskorištavanje šuma” – saradnička sposobnost (član 227. Statuta), maksimalno 20 bodova (prosječna ocjena x 2).
  - c. Nagrade i priznanja u vezi sa odgovarajućom naučnom oblasti, max. 5 bodova (zlatna značka UNSA – 5 bodova, srebrna značka UNSA – 4 boda, pohvala Vijeća Fakulteta – 3 boda).
  - d. Popularizacija nauke i struke – radovi u vezi sa odgovarajućom naučnom oblasti, max. 5 bodova.

### **Član 9.**

#### ***(Mjesto zasjedanja Komisije)***

Mjesto zasjedanja Komisije je u prostorijama Univerziteta u Sarajevu – Šumarski fakultet, na adresi Zagrebačka br. 20, Sarajevo.

### **Član 10.**

#### ***(Način rada Komisije)***

- (1) Komisija je u svom radu nezavisna.
- (2) Komisija zasjeda u punom sastavu prilikom provođenja konkursne procedure: otvaranje prijave, razmatranje priložene dokumentacije i bodovanje kandidata.

### **Član 11.**

#### ***(Vođenje zapisnika)***

- (1) O toku sjednice Komisije vodi se zapisnik.
- (2) Zapisnik sadrži datum, mjesto i vrijeme održavanja sjednice, osnovne podatke o toku sjednice, sažeto izlaganje, prijedloge i konstatacije, zaključke te prijedlog odluke Komisije.

#### IV- PRIJELAZNE I ZAVRŠNE ODREDBE

##### Član 12.

*(Izmjene i dopune Poslovnika)*

Izmjene i dopune ovog poslovnika vrše se na način i u postupku propisanom za njegovo donošenje.

##### Član 13.

*(Stupanje na snagu)*

Ovaj Poslovnik stupa na snagu danom donošenja i objavit će se na web stranici Univerziteta u Sarajevu - Šumarskog fakulteta.

#### KOMISIJA:

1.



Prof. dr. Jusuf Musić - predsjednik

2.



Prof. dr. Velid Halilović - član

3.



Doc. dr. Jelena Knežević - član

Broj: 01/1-3094 /24

Sarajevo, 17. juli 2024. godine